



星 汉(新疆师范大学)

椽。

登焉支山

松涛外有马频嘶,惊魄依然似旧时。
不弃天山白头客,残阳为我抹胭脂。

癸巳春游马蹄寺感赋

谈禅我自玉关西,洞窟高悬万象低。
残日红教崖壁透,梨花白与雪山齐。
泥牛入海全无影,天马行空也失蹄。
十里春风心未染,但随钟磬不沾泥。

水调歌头·癸巳春重登嘉峪关门楼

今日登高处,四十五年前。长城内外环望,一笑付风烟。曾也参加武斗,曾也回归故里,曾种自家田。莫道少时错,举国尽狂颠。 夜光杯,春风满,对酒泉。坐收山水灵气,雄宕正无边。欲用萧萧白发,挽住瞳瞳红日,来往碧罗天。老去骨犹硬,能握笔如

吴硕贤(华南理工大学)

鹊桥仙·龙门石窟

伊河北去,两山对峙,构就龙门形势。依坡造佛万千尊,籍想象,六朝胜事。 庄严肃穆,安祥呈瑞,平视辱荣悲喜。千年往事若云烟,重只在,青山绿水。

鹊桥仙·夜景照明

光分五色,色呈七彩,建筑浓装竞赛。都城入夜亦难眠,照旧是,金河银海。 柔光似水,住区如梦,沐浴星云黧黧。照明若是水平高,又岂在,争强斗怪。

满江红·小浪底水库

九曲黄河,奔流至,小浪底域。凝

眸处，土堤石坝，拦腰矗立。万顷波光映峡谷，千吨沙土悄沉积。借春风，水面推涟漪，平湖碧。思往昔，愁如织，黄河患，未曾息。喜今谋良策，探明规律。激浪挟沙臻渤海，平流依道滋田稷。望大河上下麦菽青，高粱苗。

郭世泽(北京邮电大学)

基地夜度中秋

西域中秋月，冰华落满天。
蒹葭生白露，沙壁涌青莲。
庐远方知静，心平欲近禅。
几樽清酒后，此夜似无眠。

注：基地指酒泉卫星发射基地。

胡炳生(安徽师范大学)

浣溪沙·祝贺《中华诗教》报改刊

创业维艰十五年，终将诗教改专刊，书香馥郁漫芳园。古道仁风扶正气，雄文高义润心田，兴华梦想壮云天。

郑虹霓(阜阳师范学院)

减字木兰花·冬日临窗

灯昏人寂，离合悲欢随逝水。重叠云裳，想象寒梅淡淡妆。不须沉醉，惻惻凉生珠泪坠。犹记红莲，一夕飘零更可怜。

鹧鸪天·敬挽徐味吟丈

忽听哀声双泪垂，纵言生死本难违。长淮千里春无色，忧乐百年思有悲。梅花落，子规啼。萋萋芳草忆音徽。毫端多少丹忱愿，应化白云岭上飞。

八声甘州·题家兄黄山雪后摄影

乘长风浩浩上天都，览景乐何如？忆青春灵动，金秋烂漫，行摄平芜。多少红尘幻变，定格只须臾。赢得声名起，不负当初。闻道黄山雪后，有素湍凝练，叠嶂银驹。动林泉高致，携友驾良车。任盘桓，婆娑松径，按快门，造化可追摹。归来也，唤阿娘看，叹美斯图。

汪冬贺(阜阳师范学院)

清平乐·读《板桥杂记》感

烟花景暮，十载扬州路。一片欢声繁华处，锦瑟年华飞度。桨声灯影重重，板桥陈事成空。追念秦淮旧梦，风尘脂粉英雄。

张先姣(阜阳师范学院)

风入松

一江风雪欲来时，诗社备新诗。冻云寒骨何曾误，俱殷勤、事琐闲迟。



且共梅花约定，暗香争映书晖。
明年花气待熏衣，春意到湖西。不簪
桃李轻衫袖，踏清游、宜唱新词。料想
新刊读罢，青山欲醉同归。

江 琴(阜阳师范学院)

感怀

弹指千年入梦魂，长风谡谡夜无痕。
黄花弄色尝新馥，白月凝霜访旧村。
咫尺苍藤缠古木，迢迢暗水映柴门。
中秋异代怀苏子，天骨仙风共一樽。

沈利斌(浙江经济职业技术学院)

八声甘州·鹤雀楼

对青云华岳立苍茫，大河自奔流。望秦烟晋雨，雄关古道，野渡芳洲。谁共凭栏舒啸，破浪看行舟。何处高飞鸟，不语离愁。漫忆蒲州人物，羡襟怀潇洒，相见何由？幸名楼留迹，哦句胜同游。更新城、宏图新展，赏几回、新曲韵悠悠。争今日、目穷千里，再上层楼！

永济鹤雀楼

青云何渺渺，纵目上层楼。
淑气浮千壑，清歌生片舟。
图开新永济，花绽古蒲州。
胜事若河水，汤汤势不收。

乡居夏夜得句

何觅清凉界？幽怀三径存。
池荷托新萼，柳月系孤村。
云宿波生影，虫吟风有痕。
乾坤望中静，谁共立黄昏？

段 彪(浙江经济职业技术学院)

咏怀

峭壁挂孤影，凌寒啸雪风。
何时得天助？振翼舞苍穹。

南迁

为客中原十二载，身栖陈地寸心乖。
丹青常慕湖山久，日诵弥陀画卷开。

(上接第 33 页)

钱燕娜(财会金融学院)

绝句

月亮弯弯照小庄，微风拂面透衣凉。
风吹云絮遮空晚，不见黄芦照碧塘。

杨 昆(物流技术学院)

诗词创作课期末测试

细雨纷飞落小窗，诗词创作乱心肠。
同行交卷皆离去，留我一人独感伤。

查一飞(文化艺术学院)

即景

谁家小苑秋千荡，一曲笛音恨不长。
最是楼台藏秀色，青丝缕缕恋清香。